

金光明經卷第六

被六

隋大興善寺沙門寶貴對天竺三藏志德合人

銀主陀羅尼品第十一

爾時世尊告命者舍利弗言舍利弗此諸菩薩薰修諸法所謂諸菩薩母菩薩昔行菩薩攝受有法本名不染著陀羅尼如是語已命者舍利弗白佛言世尊言陀羅尼陀羅尼者此何句義爲陀羅尼非陀羅尼世尊爲方處非方處如是語已佛告命者舍利弗言甚善甚善舍利弗如汝發行大乘信解大乘增力大乘如汝所說其陀羅尼非方處非不方處非法非不法非過去非未來非現在非事物非不事物非緣非不緣非行非不行無有法生亦無有滅但爲利益菩薩故如是說是陀羅尼所作道合力住所謂佛諸功德佛戒佛

學佛密意佛出生所謂法本名不染著陀羅尼如是語已命者舍利弗白佛言世尊願爲演說修伽多願爲演說此陀羅尼法本菩薩於中住已當成不退轉於阿耨多羅三藐三菩提當成正願不依正法自性辯才當得希有自安住道所謂得陀羅尼故如是語已佛告命者舍利弗言甚善甚善舍利弗如是如是舍利弗得陀羅尼菩薩應言如佛舍利弗得陀羅尼菩薩若有供養尊重承事供給者當如供養於佛舍利弗若當有聞此陀羅尼若持若信解彼等還應如是供養不離菩提心如佛無異舍利弗此是陀羅尼
哆經嚩一那陀羅尼二鬱多羅尼三三鉢羅帝駛癡去多四修那摩五修鉢羅帝沙吒六鼻闍夜婆羅七薩帝耶鉢羅帝闍若八修阿

盧訶九闍那摩帝十鬱多波駛泥十一阿婆那

摩泥二十阿鼻師駛泥三十阿鼻婢耶訶囉四首

婆婆帝五修泥尸利多六十婆睂窮婆七十阿鼻

婆陀八婆婆訶

舍利弗此是陀羅尼句名不染著正住正受

作已若菩薩持者彼若一劫若百劫若干劫

若百千劫不捨諸願彼身當能降伏刀杖毒

藥惡獸皆能降伏何以故舍利弗此不染著

陀羅尼過去諸佛母未來諸佛母現在諸佛
母所謂法本名不染著陀羅尼舍利弗若有

十阿僧祇三千大千世界七寶滿中作已施

與諸佛世尊及以上勝衣服飲食當持供養

彼等諸佛阿僧祇劫若於此不染著陀羅尼

法本當持一句此生福德過多於彼何以故

舍利弗此不染著陀羅尼法本是諸佛母故

大辯天品第十二

爾時大辯天神白佛言世尊是說法者我當
益其樂說辯力令其說法莊嚴次第善得大
智若是經中有失文字句義違錯我能令是

說法比丘次第還得能與總持令不忘失若

有衆生於百千佛所種諸善根是說法者爲
是等故於閻浮提廣宣流布是妙經典今不
斷絕復令無量無邊衆生得聞是經當令是
等悉得猛利不可思議大智慧聚不可稱量
福德之報善解無量種種方便善能辯暢一

校六

三

切諸論善知世間種種技術能出生死得不
退轉必定疾得阿耨多羅三藐三菩提我今
復欲說其呪藥洗浴法若有比丘受持此經
復有衆生深樂聽聞是經典者爲是人等能
除一切惡星災怪除其疫氣疾病生死之苦

惡口鬪諍縣官口舌夜卧惡夢惡神障難厭

鹽呪詛一切惡障悉得除滅是諸衆生若有

聽受是經法者應當誦持此呪呪藥作湯洗浴其身是故我說呪藥之法取好菖蒲雄黃

茂蕕香戶利沙_{合歡}昔松香奢彌_杞草叢香嵩

高草沉香桂皮丁香楓香白膠香安息香阿

蘿婆煎香零陵香艾納香梅檀香石雄黃青

木香鬱金香附子芥子縮師蜜鬱金根那羅

陀蘡龍華如是等藥各等分採之用鬼星日和合擣之擣訖以此呪呪之一百八遍而說

呪曰

哆經牠蘇底 賈利底 迦摩多寫闍怒迦

囉池 呵怒迦囉池 因陀羅闍離 奢迦

提離波奢提離阿跋哆 迦斯該那 拘都

俱 迦毗羅迦毗羅末底 戶羅末底 珊題

頭頭摩跋底 戶梨戶梨薩帝耶薩嚧帝
娑婆訶

以牛糞塗地縱廣七肘以爲道場以華散著道場中遍覆其地懸繒旛蓋用金椀銀椀盛石蜜漿蒲萄漿蜜漿乳汁置於道場外四角頭各置一人身帶牟鉀手持戒杖隱身而立復須四童女子各著淨衣奉持華瓶亦於道場四角而立燒膠香供養不得斷絕復作五色神旛四角安寶幢五種音聲妓樂以新淨器盛其香湯置道場中於先結界然後洗浴

說此結界呪曰

哆經牠 過邏羈 那耶囉 鹽梨戶 梨

企企梨 娑婆訶

以呪呪水二十一遍散著四方復說呪湯呪身呪先呪身一百八遍復呪湯一百八遍以

此湯洗浴其身

哆經他 婆伽遲 比伽遲 比伽茶跋帝

娑婆訶

誦呪洗浴訖行者爲其是人發弘誓願願四方神星覆護身命常令休吉無諸障難惡星災怪悉無所畏四大安吉無諸疾患一切怖畏悉得除愈復說呪身呪願呪

娑瀾毗婆瀾 婆婆訶 婆伽遲 比伽遲

娑婆訶婆伽囉

三浮哆耶 婆婆訶 乾

陀摩陀那耶娑婆訶 尼羅捷他耶娑婆訶

阿波羅耆哆毗梨蛇耶娑婆訶 醍摩婆三

浮哆耶 婆婆訶 阿尼彌邏薄迦哆邏耶

娑婆訶 南無婆伽婆帝跋藍摩禰那摩娑

羅薩敷帝 摩訶提鞞四填奴蔓哆羅般陀

擔婆羅熊摩訶奴蔓若都 婆婆訶

校六

五

於是大辯天神白佛言世尊若有比丘比丘尼優婆塞優婆夷受持讀誦書寫流通如法行者若城邑聚落曠野露地塔寺僧房俗人住處我爲是諸人等將諸眷屬作天妓樂來詣道場除一切病一切惡星災怪除其一切疫病生死之苦除一切惡口闔諍縣官口舌除一切夜卧惡夢除一切惡神障難除一切厭蠱呪詛除一切惡障若有比丘比丘尼優婆塞優婆夷受持讀誦此經速度煩惱入阿毗跋致地向阿耨多羅三藐三菩提以此功德速成阿耨多羅三藐三菩提爾時世尊讚大辯天神言善哉善哉大辯天神能爲一切衆生恩惟善事能令一切衆生施其無畏爲諸衆生說此呪藥功能利益一切衆生於是大辯天神禮佛三拜還復故座爾時婆羅門

憍陳如以呪力故當請大辯天神亦當恭敬
大辯天神一切世間名悉遍到恒在山中天
龍鬼神一切悉敬常被草衣一脚而立一切
諸天悉來到彼欲請天神願施一切衆生智
慧言語辯才能以善言

哆噠他 茂梨毗梨 阿婆耆 阿婆闍

跋帝興渠梨 彌渠梨 賓伽羅跋帝 鶩

渠灑末利脂蘇摩帝 題奢摩帝 阿祇利

摩祇利多羅遮跋帝 脂脂利尸利彌利

摩脂利波羅移禰 盧迦折師帝 盧迦施

離師帝盧迦畢利易膝陀跋羅帝 毗摩目

企首脂遮利阿波羅帝呵帝呵波羅帝河多

浮地 南牟指南牟脂 摩呵題脾波羅帝

伽利迄那摩摩娑迦溫摩摩浮地阿波羅帝

呵多婆婆妬 奢薩多羅 奢盧羈單多

羅卑吒迦迦毗耶地踐多噠他摩呵波羅婆
毗醯利彌利 酢利彌利 毗遮羅妬摩摩
浮地伊梵那摩寫婆伽婆帝 比耶題婆羅
彌利 阿婆呵羊彌摩呵題毗佛陀薩知那
達摩薩知那僧伽薩知那因陀羅薩知那
婆婁那薩知那移盧只薩知耶 婆題那知
爽薩知那 薩知耶婆支禰那阿婆呵 羊
彌摩呵題毗噠他 酢利彌利 酢利醜
利毗遮邏都李題摩摩南無婆伽婆帝 摩
呵題 比婆邏婆波帝 膝琪妬曼羅多波
陀 婆婆訶

爾時憍陳如婆羅門以偈讚大辯天神

一切諸鬼神 今當至心聽 我今欲讚歎

大聖辯天神 一切諸女中 辨天最爲尊

諸天修羅等 乾闥及夜叉 世間諸聖中
一切最爲尊 種種諸功德 以用莊嚴身
眼如優波羅 智慧功德相 譬如七寶珠
世間甚難見 我今欲讚歎 彼六 甚深最勝語
決定施與一切衆 最勝最高無過者
相好端嚴潤衆生 形貌清淨如蓮華
眼目脩揚勝一切 身體端正視無厭
種種莊嚴諸相好 光明清淨如月光
智慧悉能遍一切 強記不忘能總持
乘師子上現人形 體有八臂莊嚴身
衆生見者如滿月 語言辯了聲微妙
智慧甚深難思議 以此智慧恒圓滿
能施衆生一切願 於一切衆最爲尊
帝釋脩羅諸天等 乾闥婆等及夜叉
一切大衆恒讚歎 我某甲等當恭敬

供養清淨殷重心 以此願故皆吉祥
於怖畏處恒防護 若復有人於晨朝
清淨誦此七言偈 我令是人悉滿願
須者給與無所乏

說是偈已令一切衆悉發阿耨多羅三藐三
菩提心

功德天品第十三

爾時功德天白佛言世尊是說法者我當隨
其所須之物衣服飲食卧具醫藥及餘資產
供給是人無所乏少令心安住晝夜歡樂正
念思惟是經章句分別深義若有衆生於百
千佛所種諸善根是說法者爲是等故於閻
浮提廣宣流布是妙經典令不斷絕是諸衆
生聽是經已於未來世無量百千那由他劫
常在天上人中受樂值遇諸佛速成阿耨多

桂六

八之一

羅三藐三菩提三惡道苦悉畢無餘世尊我已於過去寶華功德海瑠璃金山照明如來應供正遍知明行足善逝世間解無上士調御丈夫天人師佛世尊所種諸善根是故我今隨所念力隨所視方隨所至方能令無量百千衆生受諸快樂若衣服飲食資生之具金銀七寶真珠瑠璃珊瑚琥珀璧玉珂貝悉無所乏若有人能稱金光明微妙經典爲我供養諸佛世尊三稱我名燒香供養供養佛已別以華香種種美味供施於我灑散諸方當知是人即能集聚資財寶物以是因緣增長地味地神諸天悉得歡喜所種穀米芽莖枝葉果實滋茂樹神歡喜出生無量種種諸物我時慈念諸衆生故多與資生所須之物世尊於此北方毗沙門王有城名曰阿尼曼

陀其城有園名德華光於是園中有最勝園名曰金幢七寶極妙此即是我常止住處若有欲得財寶增長是人當於自所住處當淨掃灑洗浴其身著鮮白衣妙香塗身爲我至心三稱彼佛寶華瑠璃世尊名號禮拜供養燒香散華亦當三稱金光明經至誠發願別以香華種種美味供施於我散灑諸方爾時當說如是章句

婆梨富樓那遮利 三曼陀達舍尼羅法二
摩訶毗呵羅伽帝三曼陀毗陀尼那伽帝四摩訶伽梨波帝五波婆彌薩婆哆哈六三
曼陀修鉢梨富隸七阿夜那達摩帝八摩訶毗鼓卑帝九摩訶彌勒簸僧祇帝十醯帝祇三博祇帝十一三曼陀阿陀十二阿菟婆羅尼

是灌頂章句畢定吉祥真實不虛等行衆生
及中善根應當受持讀誦通利七日七夜受
持八戒朝暮淨心香華供養十方諸佛常爲
已身及諸衆生迴向具足阿耨多羅三藐三
菩提作是誓願令我所求皆得吉祥自於所
居房舍屋宅淨潔掃除若自住處若阿蘭若
處以香泥塗地燒微妙香敷淨好座以種種
華香布散其地以待於我我於爾時如一念
頃入其室宅即坐其座從此日夜令此居家
若村邑若僧坊若露地無所乏少若錢若金
銀若珍寶若牛羊若穀米一切所須即得具
足悉受快樂若能以己所作善根最勝之分
迴與我者我當終身不遠其人於所住處至
心護念隨其所求令得成就應當至心禮如
是等諸佛世尊其名曰寶勝如來無垢熾寶

光明王相如來金炎光明如來金百光明照
藏如來金山寶蓋如來金華炎光相如來大
炬如來寶相如來亦應敬禮信相菩薩金光
明菩薩金藏菩薩常悲菩薩法上菩薩亦應
禮敬東方阿閎如來南方寶相如來西方無
量壽佛北方微妙聲佛

堅牢地神品第十四

爾時地神堅牢白佛言世尊是金光明經若
現在世若未來世在在處處若城邑聚落若
山澤空處若王宮宅世尊隨是經典所流布
十五 處是地分中敷師子座令說法者坐其座上
廣演宣說是妙經典我當在中常作宿衛隱
蔽其身於法座下頂戴其足我聞法已得服
甘露無上法味增益氣力而此大地深十六
萬八千由旬從金剛際至海地上悉得衆味

增長具足豐壤肥濃過於今日以是之故閻浮提內藥草樹木根莖枝葉華果滋茂美色香味皆悉具足衆生食已增長壽命色力辯安六情諸根具足通利威德顏貌端嚴殊特成就如是種種等已所作事業多得成辦有大勢力精勤勇猛是故世尊閻浮提內安隱豐樂人民熾盛一切衆生多受快樂應心適意隨其所樂是諸衆生得是威德大勢力已能供養是金光明經及恭敬供養受持經者四部之衆我於爾時當往其所爲諸衆生受快樂故請說法者廣令宣布如是妙典何以故世尊是金光明若廣說時我及眷屬所得功德倍過於常增長身力心進勇銳世尊我服甘露無上味已閻浮提地縱廣七千由旬豐壤倍常世尊如此大地衆生所依悉能增

長一切所須之物增長一切所須物已令諸衆生隨意所用受於快樂種種飲食衣服卧具宮殿屋宅樹木林苑河池井泉如是等物依因於地悉皆具足是故世尊是諸衆生爲知我恩應作是念我當必定聽受是經供養恭敬尊重讚歎作是念已即從住處若城邑聚落舍宅空地往法會所聽受是經既聽受已還其所止各應相慶作如是言我等今者聞此甚深無上妙法已爲攝取不可思議功德之聚值遇無量無邊諸佛三惡道報已得解脫於未來世常生天上人中受樂是諸衆生各於住處若爲他人演說是經若說一喻一品一緣若復稱歎一佛一菩薩一四句偈乃至一句及稱是經首題名字世尊隨是衆生所住之處其地具足豐壤肥濃過於餘地

凡是因地所生之物悉得增長滋茂廣大令諸衆生受於快樂多饒財寶好行惠施心常堅固深信三寶爾時佛告地神堅牢若有衆

生乃至聞是金光明經一句之義人中命終

隨意往生三十三天地神若有衆生爲欲供養是經典故莊嚴屋宅乃至張懸一旛一蓋及以一衣欲界六天已有自然七寶宮殿是人命終即往生彼地神於諸七寶宮殿之中各自然有七天女共相娛樂日夜常受不可思議微妙快樂爾時地神白佛言世尊以是因緣說法比丘坐法座時我常晝夜衛護不離隱蔽其形在法座下頂戴其足世尊若有衆生於百千佛所種諸善根是說法者爲是等故於闍浮提廣宣流布是妙經典今不斷絕是諸衆生聽是經已未來之世無量百

千那由他劫於天上人中常受快樂值遇諸佛疾成阿耨多羅三藐三菩提三惡道苦悉斷無餘

散脂鬼神品第十五

爾時散脂鬼神大將軍及二十八部諸鬼神等即從座起偏袒右肩右膝著地白佛言世尊是金光明微妙經典若現在世及未來世在在處處若城邑聚落若山澤空處若王宮宅隨是經典所流布處我當與此二十八部大鬼神等往至彼所隱蔽其形隨逐擁護是說法者消滅諸惡令得安隱及聽法衆若男若女童男童女於是經中乃至得聞一如來名一菩薩名及此經典首題名字受持讀誦我當隨侍宿衛擁護悉滅其惡令得安隱及國邑城郭若王宮殿舍宅空處皆亦如是世

尊何因緣故我名散脂鬼神大將唯然世尊自當證知世尊我知一切法一切緣法了一切法知法分齊如法安住一切法如性於一切法含受一切法世尊我現見不可思議智光不可思議智炬不可思議智行不可思議

大士
十三

智聚不可思議智境世尊我於諸法正解正觀得正分別正解於緣正能覺了世尊以是義故名散脂大將世尊我散脂大將令說法者莊嚴言辭辯不斷絕衆味精氣從毛孔入充益身力心進勇銳成就不可思議智慧入

正憶念如是等事悉令具足心無疲厭身受諸樂心得歡喜以是之故能爲衆生廣說是經若諸衆生於百千佛所種諸善根說法之人爲是衆生閻浮提內廣宣流布是妙經典今不斷絕無量衆生聞是經已當得不可思

議智聚攝取不可思議功德之聚於未來世無量百千劫人天之中常受快樂於未來世值遇諸佛疾得證成阿耨多羅三藐三菩提一切衆苦三惡趣分永滅無餘南無寶華功德海瑠璃金山光照如來應正遍知南無無量百千億那由他莊嚴其身釋迦如來應正遍知熾然如是微妙法炬南無第一威德成就衆事大功德天南無不可思量智慧功德成就大辯天

正論品第十六

爾時佛告地神堅牢過去有王名力尊相其王有子名曰信相不久當受灌頂之位統領國土爾時父王告其太子信相世有正論善治國土我於昔時曾爲太子不久亦當紹父王位爾時父王持是正論亦爲我說我以是

論於二萬歲善治國土未曾一念以非法行
於自眷屬情無愛著何等名爲治世正論地
神爾時力尊相王爲信相太子說是偈言
我今當說諸王正論爲利衆生斷諸疑惑
一切人王諸天天王應當歡喜合掌諦聽

諸王和合集金剛山護世四鎮

十四

起問梵王

大師梵尊天中自在能除疑惑當爲我斷
云何是人得名爲天云何人王復名天子
生在人中處王宮殿正法治世而名爲天
護世四王問是事已時梵尊師即說偈言
汝今雖以此義問我我要當爲一切衆生
敷揚宣說第一勝論因集業故生於人中
王領國土故稱人王處在胎中諸天守護
或先守護然後入胎雖在人中生爲人王
以天護故復稱天子三十三天各以己德

分與是人故稱天子神力所加故得自在
遠離惡法遮令不起安住善法修令增廣
能令衆生多生天上半名人王亦名執樂
羅刹魁膾能遮諸惡亦名父母教誨修善
示現果報諸天所護善惡諸業現在未來
現受果報諸天所護若有惡事縱而不問
不治其罪不以正教捨遠善法增長惡聚
故使國中多諸姦鬪三十三天各生瞋恨
由其國王縱惡不治壞國正法姦詐熾盛
他方怨敵競來侵掠自家所有錢財珍寶
諸惡盜賊共相劫奪如法治世不行是事
若行是者其國殄滅譬如狂象蹋蓮華池
暴風卒起屢降惡雨惡星數出日月無光
五穀果實咸不滋茂由王捨正使國饑饉
天於宮殿悉懷愁惱由王暴虐不修善事

是時天王各相謂言是王行惡與惡爲伴以造惡故速得天瞋以天瞋故不久國敗非法兵仗奸詐鬭訟疾疫惡病集其國土諸天即便捨離是王令其國敗生大愁惱兄弟姊妹眷屬妻子孤逆流離身亦滅亡流星數墮二日並現他方惡賊侵掠其土人民飢餓多諸疾疫所重大臣捨離薨亡象馬車乘一念喪滅諸家財產國土所有互相劫奪刀兵而死五星諸宿違失常度諸惡疾疫流遍其國諸受寵祿所任大臣及諸羣僚專行非法如是行惡偏受恩遇修善法者日日衰減於行惡者而生恭敬見修善者心不顧錄故使世間三異並起星宿失度降暴風雨破壞甘露無上正法衆生等類及以地肥恭敬弊惡毀諸善人

故天降雹飢餓疫死穀米果實滋味衰減多病衆生充滿其國甘美盛果日日損減苦澁惡味隨時增長本所遊戲可愛之處悉皆枯悴無可樂者衆生所食精妙上味漸漸損減食無飢膚顏貌醜陋氣力衰微凡所食歟不知狀足力精勇猛悉滅無有懶惰懈怠充滿其國多有疾苦逼切其身惡星變動羅刹亂行若有人王行於非法增長惡伴損人天道於三有中多受苦惱起如是等無量惡事皆由人王愛著眷屬縱之造惡捨而不治若爲諸天所護生者被六如是人王終不爲是有行善者得生天中行不善者墮在三塗三十三天皆生焦熱由王縱惡捨而不悔違逆諸天及父母敕不能正治則非孝子起諸奸惡壞國土者

不應縱捨 當正治罪 是故諸天 護持是王
以滅惡法 修習善根 現世正治 得增王位
應各爲說 善不善業 能示因果 故得爲王
諸天護持 鄰王佐助 爲自爲他 修正治國
有壞國者 應當正教 爲命及國 修行正法
不應行惡 惡不應縱 所有餘事 不能壞國
要因多軒 然後傾敗 若起多軒 壞於國土
譬如大象 壞蓮華池 怨恨諸天 故天生惱
起諸惡事 彌滿其國 是故應隨 正法治世
以善化國 不順非法 寧捨身命 不愛眷屬
於親非親 心常平等 視親非親 和合爲一
正行名稱 流布三界 正法治國 人多行善

常以善心 仰瞻國王 能令天衆 具足充滿
是故正治 名爲人王 一切諸天 愛護人王
猶如父母 擁護其子 故今日月 五星諸宿

隨其分齊 不失常度 風雨隨時 無諸災禍
令國豐實 安樂熾盛 增益人民 諸天之衆
以是因緣 諸人王等 寧捨身命 不應爲惡
不應捨離 正法珍寶 由正法寶 世人受樂
常當親近 修正法者 聚集功德 莊嚴其身
於自眷屬 常知止足 當遠惡人 修治正法
安止衆生 於諸善法 教敕防護 令離不善
是故國土 安隱豐樂 是王亦得 威德具足
隨諸人民 所行惡法 應當調伏 如法教詔
是王當得 好名善譽 善能攝護 安樂衆生

金光明經卷第六

音釋

經徒給
虛郭
切
呴落
古
切
曷思
融
切
膠古
肴蘿魯何
切
庫必至
尼
直
肘陟柳
切
牟牟達浮切與銳
同首鐘也
古

切胡鐙狎身羈居宜爾奴禮莫蔓販熊
弓也智脂迄許訛他見
企去切房切許訛他見
脾切房切許訛他見